

欽定四庫全書

子部
類經圖翼卷二



北京中醫藥大學圖書館版權所有

詳校官太醫院醫官臣姜晟

編修臣倉聖脈覆勘

欽定四庫全書

類經圖翼卷二

運氣下

問答

明

張介賓撰

永運
辛丙

欽定四庫全書

類經圖翼

一

天元紀大論曰甲巳之歲土運統之乙庚之歲金運統之丙辛之歲水運統之丁壬之歲木運統之戊癸之歲火運統之

五運行大論義亦同

五天五運圖



欽定四庫全書

類經圖翼

二

五天歌

木蒼危室柳鬼宿火丹牛女壁奎邊土齡心尾軫角度
金素亢氏昴畢前水玄張翼婁胃是下為運氣上經天

五天五運圖解

此太古占天之始察五氣紀五天而所以立五運也五天五氣者謂望氣之時見丹天之火氣經於牛女壁奎四宿之上下臨戊癸之方此戊癸之所以為火運也齡天之土氣經於心尾角軫四宿之上下臨甲巳之方此甲巳之所以為土運也蒼天之木氣經於危室柳鬼四宿之上下臨丁壬之方此丁壬之所以為木運也素天之金氣經於亢氐昂畢四宿之上下臨乙庚之方此乙

庚之所以為金運也玄天之水氣經於張翼婁胃四宿之上下臨丙辛之方此丙辛之所以為水運也是知五運之化莫不有所由從蓋已肇於開闢之初矣詳太始天元冊文及天元紀大論中

又五運圖解

自太始初分陰陽析位雖五運之象昭於五天然尚有月建之法及十二肖之說則立運之因是又一理月建者單舉正月為法如甲巳之歲正月首建丙寅丙者火

之陽火生土故甲巳為土運乙庚之歲正月首建戊寅
戊者土之陽土生金故乙庚為金運丙辛之歲正月首
建庚寅庚者金之陽金生水故丙辛為水運丁壬之歲
正月首建壬寅壬者水之陽水生木故丁壬為木運戊
癸之歲正月首建甲寅甲者木之陽木生火故戊癸為
火運此五運生於正月之建者也○十二肖者謂十二
宮中惟龍善變而屬辰位凡十干起甲但至辰宮即隨
其所遇之干而與之俱變矣如甲巳干頭起於甲子至

辰屬戊戌為土此甲巳之所以化土也乙庚干頭起於
丙子至辰屬庚庚為金此乙庚之所以化金也丙辛干
頭起於戊子至辰屬壬壬為水此丙辛之所以化水也
丁壬干頭起於庚子至辰屬甲甲為木此丁壬之所以
化木也戊癸干頭起於壬子至辰屬丙丙為火此戊癸
之所以化火也此又五運之遇龍而變者也又一說謂
甲剛木尅己柔土為夫婦而成土運乙柔木嫁庚剛金
而成金運丁陰火配壬陽水而成木運丙陽火娶辛柔

金而成水運戊陽土娶癸陰水而成火運此三說者義
各不同今並存之以備參校

五運三氣之紀圖



三氣歌

數和發生委和木升明赫曦伏明火審平堅成從革金
備化敦阜卑監土靜順流衍涸流水平氣太過不及數

義詳運氣類十三

五音建運太少相生圖



五音建運圖解

運氣全書云五音者五行之聲音也土曰宮金曰商水曰羽木曰角火曰徵晉書曰角者觸也象諸陽氣觸動而生也其化丁壬徵者止也言物盛則止也其化戊癸商者強也言金性堅強也其化乙庚羽者舒也言陽氣將復萬物將舒也其化丙辛宮者中也得中和之道無往不畜又總堂室奠阼謂之宮所圍不一蓋以土氣貫於四行王於四季榮於四藏而總之之謂也其化甲巳

故天干起於甲上土生金故乙次之金生水故丙次之
水生木故丁次之木生火故戊次之火又生土故己又
次之循序以終於癸而復於甲也十干以甲丙戊庚壬
為陽乙丁己辛癸為陰在陽則屬太在陰則屬少太者
為有餘少者為不及陰陽相配太少相生如環無端其
成氣化但氣有太少則至有遲速故六元正紀大論曰
常以正月朔日平旦視之運有餘其至先運不及其至
後非有餘非不足是謂平歲其至當其時也六微旨大